

3800EC

یادگار مکتب عمومی

سليم سري

سماوت فوٹبول فلوپینا
دور آرا الفقم تیز بدینہ فلوپینا

اور دورہ و مکتب اردہ

فوتبول



ایکنجی طبی
ایکنجی

شمس و طبعہ سی

A. K. İlahiyat Fakültesi Kütüphanesi
255.07.02.01.06.007



7 S [1] k

تربیه بدنیہ مفتش عمومی :

سلیم سری

TAHIR ERDEM
KÜTÜPHANESİ

اور دودہ و مکتبہ دودہ

فوتبول



Selçuk Üniversitesi
İlahiyat Fakültesi Kit

Demirbaş No.

3600

Tasnif No.

۵۴

ایکنجی طبعی 732751

۷۹۶.۳۳۴

۵۴۵

شمس مطبعہ سی

S.Ü. İLAHİYAT FAK. KÜTÜPHANESİ

S. Ü. İLAHİYAT FAKÜLTESİ KÜTÜPHANESİ BIBLYOGRAFİK KİTAP FORMU

Demirbaş No:	Ulke:	Dil:	Dewey:	Basım Yılı:	Cilt
Yazar Adı :	Selâm Sırrı				
Vefat Tarihi:	Futbol				
Kitap Adı:	Futbol				
Editör:	Konu Başlıkları 1. 2. 3.				
Çeviren:					
Yayın Yeri:	Yayın Evi:	Sayfa:	Boyut:	Kaçınclı Baskı:	
İsk	Sevins	22	16 x 23		
ISBN	Temin Şekli:	Yayın Biçimi:	Eki:		
Konu İzahatı:					
Not:					

La bataille de Waterloo a été gagnée
sur les terrains de foot-ball d'An-
gleterre .

Wellington


فوت بول

فرانسه اهالی قدیمه سندن (سالت) لرك ایجادی
اولان بو او یون بر چوق سنه لر متروک بر حاله
قالد قدن سوکره بوندن تقریباً بر عصر مقدم
انگلیز لر طرفدن تعدیل و اصلاح اولنه رق یکیدن
احیا ایدیلشدر .

فوت بول (سالت) لرك اوینا دینی تاریخده ایچی
قتیق دولو بر مشین طوبی ایکی مخاصم قسم
یکدیگه برینه طوغرو ال و آیاقله سوق و حواله
ایدر لر ، تأمین غلبه ایچین او یونجیلر بری برینه
قارشى هر دور لو حرکات عنیفه و شدیده اجرا ایدر لر
و بو یوزدن دورلو قضالره سببیت ویریر لردی .
رومالی لرك پوزیلا تعبیر ایدیلن کورشنی
آندیران بو تهلسکیلی او یون بالاخره زمانله
تعدیل ایدیلش ایسه ده الیوم امریقاده اوینانان
فوت بولک عینی عنف و شدتی محافظه ایتمکده
اولدینقی و وقوع بولان قضالرك بک مؤلم ووخیم

سابق فوتبال طاقم توره سندن
فوت بولده کما متعادلی رقیبده یاریم ایدیه بیلیم
اولان سوازجه هر بیرین ققد او قوم سوازجه

ایده مع ۰ (۱) کاندیه اول : ۲۰۰




مطبعه شمس

باب عالی جاده سنده نومرو — ۴۳



فوت بولده رده اجتناب لسته سوازجه
کتاب سزه بیجیه سید اولره تبلیه بیلد -
هئیه اولدینقی کما فتیر لده ده صحت بر بنهار طره
صحت ریزده اولان لره برهید هر یغنه فوت بول لوبان
فقط فوت بولی صحت ایچیم اوینان
سوازه رکده -
بی ایدیه - الوری لکم قداغه عیانت ایدیه



تیجهرل ویر مکده بولندیغنی غزته لدره او قویوروز .
 فوت بول انکلتره و امریقاده بک چوق سنه لر .
 دنبری اویناندیغنی حالدہ ممالک ساثرده بک کچ مظهر
 تقدیر اوله بیلمشدر . بونک سببی آمریقایلیرک
 افراطپورولکری هر کسک بو او یوندن کوزینی
 قورقوتمشدی . مثلا او یون محلدنه بر خسته خانه
 آرابه سی ، بر طیبب مداوی ، بر ماسوز ، ایکی
 خسته باقیچی ، بر پورتایف اجزاخانه بولندیر
 یلیور . اکثری او یونلرده قولی چیقان ، آیغنی
 بورقولان ، دوشوب بایلانلر اولیوردی . حتی
 آمریقانک بر زمانلر اک مشهور بوقس پہلوانی
 (جیمس جفریس) ک فوت بول حقدنه مطالعه سی
 صورلدقده : « یومروق دوکوشنی فوت بولدن
 چوق اهون بولورم . اون بیک دولار ویرسه لر
 بر کره بیله اوینامق ایسته ما » دیمشدر .

ایشته اوروبا افکار عمومیه سنی بدایه فوت بول
 علیهنه چورن و بر مملکتک شباب متفکرینک سچیجه .
 سنک تربیه سنه خادم اولان بوفانده لی سپوردن اونلری
 سنه لرجه محروم بیراقان بو کچی افراطپورولکلر
 اولمشدر . ژیمناستیک ایچینده بویله اونامشمدیریا ؟
 افکار عمومیه ده ژیمناستیک ، بر کره جانبازلق دیه

یر ایتمش و منتسبینی تربیه فکریه دن محروم
 حایلار ، جاهل بر طاقم ایشمز کوجسزلر کچی
 تلقی ایدیلش ؛ تراژده طاقلاق آتایم دیرکن
 تپه سی اوستی قاباق دیکیلنلر ، کولله نی قالدیرایم
 دیرکن قاصیغنی چیقارانلر هر کسک کوزینی
 بیله دیرمش . سز آرتق ایسته دیککنز قدر بونک
 برده صحی و تربیوی نوعی واردر ، ژیمناستیک برنده
 آتمق دکلدرد ؛ عادی کوی جانبازلرینه خاص اولان
 بومعرتلرک علم ایله متوغل اولان کنج لرحه هیچ
 بر اهمیتی قالمامشدر . حیات مدنیه حاضره ایله علا .
 قه سی اولمایان زور بازو هنرلرندن بو کونک تربیه
 بدنیه و حفظ صحت فننه اشنا اولان معلملری توقی
 ایدرلر . . . الخ . . . دیه تلقینانده بولینکیز .
 « ورق مهر و فانی کیم او قور کیم دیکلر . »

فقط بوندن زره قدر منفعل اولمامه لی . ینه
 بومر بیلر دکلی ایدی که دونه قدر مکتبلرده او یونک
 حایلزلق یارامازلق دیمک اولدیغنه قائل ایدی ،
 ینه بو مکتب مدیرلرینک بری دکلی ایدی که طلبه نک
 قوشوب اوینامه سنه مخصوص اولان مکتب باغچه
 سنه - متفرقه یه مدار اولور قولی ایله - شالقام ، لخنه ،
 پراضه دیکدیرمشدی . حالپوکه بز بو کونی دوندن

چوق فرقلی کوریورز. تریه بدنیه علیهدارلری
کوندن کونه آزالیور، فن ایروله د کجه جهل بر
رجعت قهقهه به ایله کریلیور. پروفوسور زانده رک
بویوک سوزلرینی اونوتما یلم «حسن نیت، سهی
و ثباته هر شی کندی کندینه اولور.»

فوت بول بوکون اوروپانک هر طرفنده بالجه
سپورلر میاننده بر موقع بالای مستناده بولونیور.
مدنی دنیانک اک کوچوک شهرلرنده بیله متعدد
فوت بول قلوبلری وار. ذکوره مخصوص مکتب
طلبه سنک قسم اعظمی آز چوق فوت بول اوینایور.

[بوایونکده (اماتور) هوسکاران و (پروفیسورل)
صنعتکاران قسمی وار. صنعتکارل میاننده بو قسمده
اولدینی کبی فوت بول اوینامقله تأمین معیشت ایدنلر حتی
زوت صاحبی اولانلر کورلمک باشلادی.

هر صره سی کلدکجه سویلیورز بوراده دخی تکرار
ایدلم سپور مراقیلیری ایکی قسمدر بری هوسکاران
یعنی سپورک هر هانکی بر شعبه سیله اولورسه اولسون
ذوق ویا اکتساب صحت و قوت ایچین مشغول اولانلردر.
بونلرک مسلکی علیدر، دنیانک هر طرفنده سپور
عالمنده بر اصالت ممتازلری واردر. بونلر پاره نامنه هیچ
برمکافانه تنزل ایتمزل، اونلره مکافات نقدیه تکلیف ایتمک
اک بویوک حقارتدر. یالکنز پاره دکل آلتون ساعت،
الماس یوزوک و ایجابنده نقده تحویل ایدیله بیلن هر شی

اونلرک نظرنده مردوددر. اونلره اک بویوک مکافات
یاریشک مسابقه نک تاریخی اوزرینه حک ایدلمش بر باقرمدالیه
کذا باقر و یا قفوندن بر کوچوک و ازوکبی قیمت معنویه سی اولان
یادکارلردر.

ایکنچی قسم سپوری مسلک معیشت ایدینلردر.
بونلر هیچ براماتور مسابقه سنه قبول ایدیلزلر، کندیلرینه
مکافات نقدیه و بریلیر، آلتون ساعت و امثالی هدیه لره
تلطیف اولنورلر.

لوندرده، استوقوه ولده اجرا ایدیلن وایکی سنه
صوکره برلینده اجرایی مقرر اولان بین الملل مسابقه لره
ایکنچی قسمه منسوب هیچ بر فرد قبول ایدیله من ویا لکنز
سپور عالمنده دکل هر مسلکده آماتورلک مقبول و معتبردر.
هر زرده اولورسه اولسون صنعتی سومک هیچ بر منفعت
بکلمه دن صاف، جدی و حقیقی بر محبتله سومک
انسان غایبه واصل ایدیلیر. کنجدر هر شیدن اول
استحقار منفعت و فراغت نفسیه ندر؟ اوکره لی.

اماتورلرک ویا پروفیسورلرک مسابقه لری
خلق بویوک بر مراق ایله سیره کیدیور. وقتیله
روماده غلادیاتورلرک مسارعه سنی سیر ایچین قولیزه یه
سکسان بیک کشتی کیدر مش. بو کون انکلتزده
و آمریقاده بر فوت بول مسابقه سنی یوز بیک کشتی سیر
ایدیور. بو مراق او بونک قیمتی و اهمیتتی ارانه ایدر.
سه ده بویله یکر می اوتوز کنج اوغراشدینی چالشدینی
حالده بیکلر جه خلقک ساعتلر جه عاطلانیه صورتده
یالکنز سیر ایله اکتفا ایتمیسه شایان تا ملدر.
فوت بولک اوروپاده او بنانان طرزی آمریقایه

نسبتله دها خضیفدر. فرانمز دو قنور (زان راشو) نك بوندن اول نشر ایلدیکی بر ایستانتستیکده پارسده آلتی آی دوام ایدن فوت بول او یونلرینه اشتراك ایدن ۱۲۷۵ کشیده انجق ۲۵ قضا وقوعه کلش ویکرمی سنه ظرفنده یالکز بر اولوم قضاسی اولمشدر. فوت بول بعض قیصه دوشونلر ایچین غایت بسیط بر او یوندر. مقصد ایچی هوا دولو بر مشین طوبی آیاقله اوروب قلعاه اعتبار ایدیلن بر محله ایصال ایتمکدر. بالطبع عین امله حرکت ایدن قارشیلقلی بر طاقم کنجلا وار، هر طرف مقابل جهتک قلعاه سنه کوتورمک ایستیور، بر عربده در قویور قوشویور، اوغراشیور، قان تره باتیور لر!

هله او طور مه بی یورومک تر جیح ایدن تپرور ان ایچین بویله اهمیتسز بر نتیجه اوغرنده بر ساعت قوشدیر مق بر نوع جنتدر بیله! فقط نه چاره ایشته او هپ جنونه اوغرا مش ظن ایتدی کمز اوروپا. لیلر بویله او یونلر له اکتساب ایلدکری سجایای ممتازه سایه سنده بز عقلیلوک آغزندن لقمه سنی آلیور لر. حیات بر مجادله دائمی در یاشامق اوغراشمق، دیدینمکدر. بو حرب اجتماعیه احتیاجات زمانه کوره فکر آ ویدنا حاضر لانتامش اولانلر مضمحل و پریشان اولور لر.

أوت، فوت بول اکلنجه شکلنده بر حربدر. بر محاربه ده عسکر دن نه کبی اوصاف طلب ایدیلر سه فوت بول حیلر ده دخی عین مزایا آرانیر. عسکرک سلاحی اپی استعمال ایده بیلمکله برابر قوی، چویک، جفایه متحمل، فعال اولسی و انشای حربده حتی آوجی خطنده بلوکنک تأمین موفقیقی تشریک مساعیده اولدیغنی تقدیر ایتمی شرطدر. تنه عسکر لکده غرور، خود پسنندی، داعیه انفراد، شهرت پرستلک مذموم صفتلر در. فوت بول عالنده ده بونلر عیناً جاریدر. یالکز شخصی ایچین اوینایان خود بین بر او یونجی اخلاقاً دون بر سویه ده اولاندر.

بزم محیط شبا بزمده دخی شو صوک سنه لرده فوت بول خیلی ترقیاته مظهر اولمشدر. خاقان مخلوعک صوک دوره سلطنتنده کیزلی کیزلی باشلایان بو آرزوی اشتیاق مشروطیتک حلولیه انکشاف ایتدی. فی الحقیقه بزده هنوز اوروپا فوت بول قلوبلرینه مقیس قلوبلر تشکل ایده مدی امامهارت و قابلیت اعتباریله تقدیره شایان فوب بول حیلر ایتشدی. کنجلا عمو میت اعتباریله فوت بولی سوه سوه اوینا یور لر. یالکز بیسیقت ایلک ایجاد اولندیغنی زمان

وقوعه کلن سوء استعمالات بو او بونده دخی کال اسفله کورولمکه باشلادی . وقتيله ولوسپیت ایچین عائله پدرلرینه ایتدی کمز توصیه لری فوت بول ایچین ده تکراره مجبور اولیوروز . فوت بولی بر سپور شکنده یعنی بر مسابقه طرزنده اوینایه جق هو - سکارانک سنلری اون یدیدن دون اولمالی ، وجودلری اولجه ژیمناستیکه حاضر لانتش اولمالی ، کنجلر فوت بولک ایجاب ایتدیردیکی قواعد صحیه و اخلاقیه به تماماً رعایتکار بولمالیدر لر . هر او بونجی بیلمه لیدر که یالکنز غول یاقق هنر دکدر . صنعت و مهارتله ، اعتدال و تربیه ایله اوینامق لازمدر . وجودک صحت و تربیه سنی کاملاً بر طرفه بر اقوبده داعیه انانیت و اشتها حسیله بو سپوره هوس ایدنلر ، کندلی سلاحیله کندینی اولدیرن آوجی کبی ، بک فجیع مصائبک قوربانی اولور لر .

حالا یوره کمی صیرلاتان بروقه بی بومناسبتله کنجلرک انظار انتباهنه عرض ایدیورم : [بر کون قدیم اشنالردن و بحریه امراسندن بر ذات هنسوز بلوغه ایرمش اوغلیله قاضی کوینده بر فوت بول (ماجینی) سیره گلشیدی . بکا اوغلی تقدیم ایدرک :

آلسکا بوتون روحیه بر فوت بولجی . دیدی . چوجنگک ایجه بوینی ، ضعیف رنگسز چهره سی وغایت دار کوسکی بالطبع نظر نجسسندن قاچادی . وجواباً : فوت بولی بو یاوروجق ایچین بک ناموسم بولورم . اسوه چ اصولنک معتدل حرکاتیه برایکی سنه اشتغالی ده مناسب کورورم . بو دور چو - چوقلرک اکتهلکه کی زمانیدر ، شدتلی ادمانلردن چوق توقی ایتمالی ، هله فوت بول قطعاً جائز دکدر . دیدم . پدر کمال مرافله : فقط ، اقدم دوام ایتدیکی مکتبک مدیری بز مکندن کوجو کلرک بیله فوت بول اوینامسینه مساعده ایدیور ؟

— بن سزه بر دوست صفتیه سویلیورم او مکتب مدیرینه ترتب ایدن مسئولیت مغنویه نک حسابخی الله کند بسندن صورصک . محاوره مزه قولاق قابارتان چوجو غک سوزلرم هیچ خوشنه کیتمه مش اولمالی که مستهزی نظر لرله بی اراده بر سوزیوردی . بر آراق چایرده بر باغریشمه اولدی . چوجق ده او طور دینی بردن بر قاریش یوقاری فیرلادی و وار قوتیله :

بابا « ابراهیم غول یاپدی ! » دیه باغرمغه و اوو - جلریخی پاتلاتیر جه سنه چیرمغه باشلادی . چوجو - قده فوت بول ایچین شدید بر عشق شباب ، مفرط

بر احتیاط و ارادی . باباسی بو آرزوی نه تحدید ،
 نه طوغرو یوله اماله ایده بیله جیک بر قابلیتسده
 دکلدی . تام برسنه چوجوق - حتی دنیانک هیچ
 بر طرفنده یازک اوینانمسی تجویز ایدیله بن - بو
 متعب او یونک ، خیر او یونک دکل داعیه اشتهارک
 پیشنده قوشدی و حقیقه کوزل و ماهرانه اوینانمعه ده
 موفق اولدی . صوک بهارک بر یاغمورلی کوننده
 موده قلوبک بر (ماجنی) سیره کیتمشدم . اوراده
 تریبونلر اوزرنده یاقه لری قالدیق ، اللری جیننده ،
 بکنزی صلوق بر کنج نظر مه ایلشیدی . درحال
 طانیدم و یانمه چاغردم . پک سوکلوم بوکلوم صوقو-
 لدی سزاوینامیورسکنز؟ دیدم . قاشلری قالدیردی ،
 ایچنی چکدی ، کوزلری طولدی ، دو قنور مساعده
 ایتیمور . دیدی و میدید بر او کسوروک لاقیردینسی
 آمامه مانع اولدی . او کوندن بری کنیدیسنی
 بردها کورمه دم .]

فوت بول ناصل بر او یوندر ؟

بوسؤاله اوچ کله ایله جواب ویرمک ممکندر
 فقط او اوچ کله نکل آلتسده اوچ جلد کتاب

صاقلیدر . فوت بول انضباط (Discipline)
 شدت قوت (Energie) و تحمل (Endurance)
 او یونیدر .

برر کوچوک تجربه بزه بو اوصافک نه قدر
 اهمیتلی اولدیغنی کوسته رر . مثلاً اون برر کشیک
 ایکی طاقم او یونجی فرض ایدم : بونلردن بر طاقنی
 تشکیل ایدنلر بر سنه دنبری صورت مخصوصده
 او یونک تکمیل قواعدینی تعلیم ایتش چلمسنز
 فقط اولدقجه آتیک مکاتب عالیه طلبه سندن ترکیب
 ایتسه دیگر قسم ایسه وجودلری فوق العاده ایری
 وقوی اولدیغنی حالده مقصدک نه دن عبارت اولدیغنی
 بیلمه بن ادمانسز علی العاده کیمسه لر اولسه وهان او یونه
 باشلاسه لر . هیچ شبهه ایدله سین که برنجی قسم اون
 دقیقه کچمه دن غلبه بی احراز ایدر . بو مظفربتک
 باشلیجه سببی برنجی قسمک دیسیپلین و تربیه اجتماعیه
 و فکریه سنه معطوف اولمیدر . فی الحقیقه ایکنجی
 قسمدن بری برنجی قسمه منسوب اولانلردن
 برینک صیقنجه بلکه صوتینی چیقاراییلیر ، نه فائده که
 قانون اونک اللرینی باغلامشدر . بر تکمه ده خصمنه
 اوچ تا قلاق آتدیراییلیر ، اما طوبه اوره جنی

تکمه بوشه کیدنجه کنديسی تکرله نیر . خلاصه
ایي فوت بول اوینامق ایچین فکرأ ، بدنأ و اخلاقأ
ایي تربیه کورمش سحیه صاحبی بر آدم اولمق
انکیزلرک تعبيرنجه برجتلمن اولمق لازمدر .

فوت بولک ایکی نوعی واردر . بری مشا-

رکت (آصویه شن - آسسوسیسیون) دیکری
انکلترده راغبی (Rugby) شهرینک اونیور-
سیتیه سنه اضاقة تسمیه ایدیان راغبی اویونیدر .
برنجی نوعنده اویونجیلر ایچی لاسٹیک اوستی
مشین قابلی کروی الشکل طوی یالکز آیاقلریله
سوق ایدهرک ایجاب حالنده باشلریله اورهرق
کیمسه بی ایجتیمیه رک، قبا معامله ایتمه دن اعتدال
ومتانتله، اتیکلک و چویکلک ایله کنديلرینه مودوع
وظیفه بی حقیله ایضایه سعی ایدرلر . ایکنجی
نوعنده ایسه طویک شکلی برآز قاوونه بکزر .
اویونجیلر ال و آیاقلرینی استعمال ایده بیلیرلر ،
فرصت بولونجه طوی قاپوب قاچارلر . طبیعی
بو طرزی دها شدید و طاقتفر سادر . دوشمک ،
یووارلانق کثرتله واقع اولور . ودیکرینه نسبتله
دها زیاده مهارته ، دها بویوک بر متانتله لزوم
واردر .

آسسوسیسه شن نوعی اوروپاده پک چوق
اوینارلر چونکه دیکرنده کنجسارک بیسوک بر
متانت اخلاقیه به مالک اولسی وجودلری ده او
نسبتده تکمل ایتمش بولسی اقتضا ایدر .

بزده اوینانان مشارکت نوعیدر . آتیده کی

قواعد صحیه و اخلاقیه به رعایت ایتک

شرطیله بونی وجودلری مساعد اولان بوتون
شبان وطنه توصیه ایدهرز:

۱ - فوت بولی سپور شکلنده اوینا به حق

هرکنج اون یدی یاشنه قدر وجودی زینماستیک
واویونلرله ادمان ایدهرک حاضرلامش ، جکر -
لرینه، قلبه و بجاقلرینه لازم کلن متاتی ویرمش
اولمالی .

ب - هر اویونی متعاقب (دوش یاغمالی)

وکوزلیجه اوغونمالی . صوبولنادینی تقدیرده اطرافی
قابلی بر محله صویونوب بهمه حال وجودک تربی
بر حوالی ایله ایجه سیلمه لی .

ج - شخصی ایچین دکل منسوب اولدینی

طاقک شرفی ایچین اوینامه لی .

د — فوت بولده مختلف وظیفه لری او کره ملی
یعنی بعضاً قلعه محافظی غول کیر، بعضاً پیشدار خطنده
فور وورد، بعضاً بهک اوله رق او یونه کیرمه ملی.

ه — او بوندن سوکره یا غموره، سوئوغه،
روزکاره معروض قالمقدن توقی ایتمه ملی و اکبسیط
بر چاره واقیه اولق اوزره او یونه باشلارکن
کوکسنه و صیرتنه غزته کاغدی سوقالی و او یون
ییتجه چیقاروب آتالی.

و — فوت بولی بر مقصد تربیوی و صحی
ایله اویناملی.

ز — بو یوک بورغونلقلری متعاقب حرکات
تنفسیه یاملی و آرقداشاردن بریسنه ممکن ایسه بالدر
واویلوقلره آشاغیدن یوقاری بر آرماساز یابدیرمالی.
ط — او یونی ادره ایدنلری یعنی قایتشلر قیریق،
چیقیق، بورقوله. قرامپ کبی وقوعی محتمل اولان
حالاته قارش یاییلاجق تدابیر ابتدائیه بی بیلمه ملی.

ی — او یون محنده بریسنک نزدنده بر
صارغی، بر پاکت باموق، براز مشمع براز اسپرتو،
بر کوچوک شیشه بوریکه ملی صو، بر شیشه آتەر،
بر لیون بولنمالی.

ک — وجودلری چلیمسز کوکسلری طار
مزا جلری پک عصبی اولانلر طبییه معاینه اولمان
قطعاً فوت بول اوینامه ملی.

*
* *

مکتبلرده فوت بول ناصل اوینامالی ؟

مکتبلر مملکتک اولادلری ایچین برر تعلیم
وتریبه اوی اولدیقندن اوراده هر شی بر طاقم
قواعد مضبوطه ایله نظامه تابعدر. بنساء علیه
چو جوقلرک تربیه فیکر به لرینه خادم اولان علوم
وقنون ناصل اولانلرک قابلیت ادرا کیه لرینه کوره
ترتیب ایدلمش ایسه وجودلرینک تقویه سنه مدار
اولان او یون و ژیمناستیکلرده اوله جه ترتیب و
تصنیف ایدله لیدر. اون یدی یاشندن کوچوک
چو جقلره فوت بولی مسابقه صورتنده اوینامغه قطعاً
مساعده ایتمه ملیدر.

چونکه مسابقه لرک ایجاب ایتدیردیکی
بورغونلق اونلرک تحمل و وسع لرینک فوقنده در.
اون درت یاشندن اون یدی یاشنه قدر ثابت
ومعین وظیفه لرله هیچ بری مقید اولماق وفوت بول

قواعدی بروجه آتی تعدیل ایدیلک شرطیله تربیه بدنیه معلمی و یافوت بوله واقف بر معیدک نظارتی آلتنده اویونلره مساعده ایتمه لیدر .

هر طاقم اون بر کشیدن عبارت اولمالی، فقط بهک، هاف و فوروردرله معین بر وظیفه تودیع ایتمه ملیدر. هر یگر می بش دقیقه ده بش دقیقه لقی بر فاصله و یرمک اوزره تکمیل اویون الی دقیقه دن عبارت اولمالیدر. بومدت طلبه نک احوال صحیه سنه کوره معلملر طرفندن ایجابی حالنده تنقیص و یاتزید ایدیله لیدر. اویونک قواعد عمومیه سنی سنلری مساعده اولان طلبه نک کافه سنه اوکر تمهلی. اویونه قابلیت اولانلری آیروب دیکر لرینی عطالتنده بر اوق قطعاً جائز اولمادیفندن عارضه بدنیه سی اولمایان هیچ بر چوجنی اویوندن استثنای ایتمه ملیدر. هر چوجق قوشمه بی، طوبی قایمه بی، سوق ایتمه بی، آرقداشنک امدادینه قوشمه بی، حکمک و یردیگی قراره مطاوعتی اوکر تمه لیدر. اون یدی یاشندن اعتباراً تیم تشکیلی اجتماعی و تربیوی اولان غایه تعقیب ایدیلک شرطیله مسابقه لر تربیوی مناسبدر.

*

**

اوردوده فوت بول ناصل اویونمالی؟

اوروپا اردولرینک همان کافه سنده فوت بول اویونلر. افراد ایلک و صوک بهارده هفته ده بر دفعه تعلیم میدانلرنده کوچوک ضابطلرک نظارتی آلتنده تیملر تشکیل ایدر لر. عسکرلر اساساً ضبط و ربطه آلیششمش اولدقلرندن رفره رینک امرلرینه یک قولای انقیاد ایدر لر. فوروردر خطنده بولنان افراد عادتاً حربده آوجی نفرلری کبی یکدیگرینه ظهیر اولارق اعتدال و دقتله طوبی خفیف ضربه جکرله طرف مخالفک قلعه سنه طوغرو سوق ایدر لر. اعتدالی غائب ایدوب تلاش ایله زمان مناسبتی بولمده دن طوبه شدتلی اورانلر اویونی غائب ایتمک سببیت و یرر لر. و بر کشینک خطالی حرکتدن دیکر لرینک ناصل متأثر اولدینی بو اویونده بالفعل کورولور، بووجهله افراده حربده استناد سر یالکز باشنه، عقلنک دیکینه کیدنلرک خطاسندن بر بلوک حتی بعضاً دهها بویوک قطعانک متأثر اولدینی ایضاح ایدیلر. اولنرده تعاون و مشارکت حسی اویاندرمه چالیشیلر. هوایی بر ذوق ایچین ایتیشوب قاقشوق ویا بر برینک جانی

آجیته رق بر حس انتقامجویانه ایله یکدیگری
قوغلامقدن عبارت اولان اوزون اشك ، حمام
قیزدی و طوراکجی بی معنا و مضر اویونلره آرتق
نهایت ویریلوب یرینه اونلرک سویه اخلاقیه سنی یو
کسته جک بر اعتدال داتره سنده وجود لرینک ادمانی
آرتدیراجق تربیوی اویونلرک تطبیقی و بو اویونلر
ایچنده بر موقع بالای مستشاده بولونان فوت بولک
اصولی و جهله اوردوده نشر و تعمیمی لازمدر .

بین الملل قبول ایدیلن فوت بول

(آسوسییشن) نظامنامه سی

ماده ۱ — هر قسم اون بر اویونچیدن عبارت
اولق اوزره ایکی مخالف طرفله اویونه باشلانیر
بونلره (تیم) تعبیر اولنور .

هر تیم بروجه آتی ترتیبات آلیر :

غولکیپر (قلعه محافظی) قلعه نك اوکنده
طورور . وظیفه سی طرف مخالف کندی قلعه قیو .
سندن کچیرمکه اوغراشدینی طوپک دخولنه مانع
اولمقدر . طوبه الیه ، آباغیله ، باشیله ، اورور
سیچرا یوب طونار و مخالف جهته ویا موافق کور .

دیگی بر رفیقنه فیرلاتیر . اک مهم وظیفه کندیسنه
مودوع اولدیغندن دائماً متیقظ بولنور . طرف
مخالفک سوق ابتدگی طوبی یقالار ایسه طبیی
قلعه دن ممکن مرتبه اوزاقلره ایصال ایتمک ایستر
حالبوکه طوب النده اولدینی حالده ایکی آدیمن
زیاده یورومه سنه قانوناً امکان بولنمادیغندن اکر
فرصت بولورسه طوبی یره اوروب طومق صورتیله
بش اون آدیمن ایلرولر و بر شدتلی آیاق اوروشی
ایله اوزاقلره سوق ایدر .

غولکیپرک بر قاج متره ایلروسنده مناسب
آرالقله (بهک) تعبیر ایدیلن ایکی کنج دورور .
بونلرک ایشی هم غولکیپرک وظیفه سنی تسهیل
همده قلعه نك اوکنده مهاجرله قارشى بر خط
مدافعه تأسیس ایلمکدر . بونلر ایجاب حاله کوره
بعضاً بر یرینه تقرب ایدر بعضاًده اوزاقلاشیرلر .
قلعه ایله آرالرنده کی مسافه ایجاب حاله کوره بویور
و کوچولیر .

به کراک ایلریسنده بنه طاغنیق نظام اوزره اوچ
کشی بولنور . بونلرده هاف تعبیر ایدیلیر . و بونلر
اک اوکده یعنی پیشدار خطنده بولنان آوجیلری
تقویه به و تاج خطلرندن طوپک چقمامه سنی تأمینه

خدمته مکفدر لر . اونلر کده ایلیسنده بر خط
اوزرنده آوجی نظامی اوزره (فوروورد) تعیر
ایدیلن پیشدار لر بولنور . بونلرک وظیفه سی کمال
سرعت و مهارتله و قیصه ضربه جکلر ایله طوبی گاه
ایرولتمک گاه (پاس) یاپه رق آرقداشنه کچیرمک
اولدینی کبی بمضاده خصمک آیاغندن آیاقله قابمقدر .
بویکرمی ایکی کشینک خار چنده رفه روی تعیر
ایدیلن بر حکم واردر ، اونک ویره جکی عادلانه
حکملر قطعیدر .

ماده ۲ -- اویون باشلابه جنی ائنده حکم
هر ایکی طرفک قلعه محافظلری چاغیر پروهوا به پاره
آنار . اولجه قرارلاشدیریلدینی اوزره یازی بی
ایسته ین طرفه اویون محلنک ایسته دیکی جهت انتخاب
حققی ویردیکی کبی دیگر جهتده اویونه باشلامق
حققی ویرر .

تنیه : اویون محلنی انتخاب ایتمکده کی فائده :
بعضاً هوا روزکارلی اولور اوزمان البت روزکارک
کلدیکی جهت انتخاب ایدن کارلیدر . چونکه
مشهور مثلدر « روزکارک اوکنه دوشمه ین آدم
بورولیر . »

ماده ۳ — فوت بول اصولاً هر یارتی ۴۵

دقیقه دوام ایتک و ایکی یارتی آراسنده بش دقیقه لق
بر وقفه استراحت ویرمک اوزره بر بچق ساعت
دوام ایدر .

بو بش دقیقه یی اویونچیلرک حسن استعمال
ایتمسی لازمدر . شویله که بر مندیله ایله کوکسنک
و صرتنک ترخی کوزلجه سیلمه لی یکدیگرینک
باجاقلرینه ماساز یاپمالی و حرکات تنفسیه یاپمالیدر .
اوطورمق ، صواچمک قطعاً جائز دکلدر .

ماده ۴ — فوت بولچیلرک جولانکاهی تقریباً
۱۴۴ متره طول ۷۰ متره عرضنده مستطیل بر
چنزاردر . مستطیلک گوشه لرینه برر فلامه مرکز
ایدیلیر . مستطیلک کوچوک ضلع لرینه غول خطی ،
بویوک ضلع لرله تاج خطی تسمیه ایدیلیر . مستطیلک
وسطنده اون متره نصف قطرله بر دائره رسم
ایدلشدر .

بو دائره کرک اویونک باشلانغچنده طوبه
ایلک آیاقله اورولیرکن ، کرک بر غول یاپیلدقدن
صوکره تکرار اویونه باشلارکن اویونچیلرک حدو .
دینی اشعار ایدر و اورادن ایلری کیمسه کچه مز .
ماده ۵ — غول یایمق اویونی قازانمق دیمکدر .
غول خطینک اورته سنده ۷.۳۰ متره آرالقله ۲.۴۰

ارتفاعنده قائماً موضوع ایکی صیریفک تپه سندن
افقاً اوزاتیلیمش بر صیریق ویا ایپدن، کنیش بر
مدخل تشکیل ایدیلمیر . (بوقلعه در) .


غول یا بق ایچین طوبی صیریفلرک ایچنه داخل
ایتمک شرطدر .

ماده ۶ — غول خطارینه موازی اولمق اوزره
آلی متره ایلروده برر خطرسم ایدیلمیر ، بونلره
آلی متره خطاری تسمیه ایدیلمیر .

بو خطار مهاجرلر طرفدن غول یا بق اوزره
طوب آتیلدینی وقت قلعه مدخلدن ایچری
کیرمه یوبده خارجدن غول خطی تجاوز ایدرسه،
طوب اوخط اوزرنده مناسب اولان محله قونور
ومدافعلر طوبی بر آباق ضربه سی ایله رد ایدرلر.
ماده ۷ — اون ایکی متره خطی ؛ آلی متره به
چیزیلن خطلرک آلی متره ایلر وسنه تکرار برر خط
رسم ایدیلمیر، بو خطلرده غول خطندن اون ایکیشر
متره مسافه ده بولنور ؛ بونلره (به نالی) جزا
خطاری تسمیه ایدیلمیر .

به نالی بروجه آتی اجرا ایدیلمیر :

خطایی ارتکاب ایدن طرف او بونجیلری



- ا ب ، ح د = غول خطاری
ل م ، ن م = غول کیک
و ک ، ه ک = به نالی
س س = هاف
ا ح ، ب د = ناچ

کندی غول خطلرینک کریسنه چکیلیر لر، ایچلر-
ندن یالکنز (غولکیپر) قلعه محافظی قالیر اوده
قلعه دن انجق ایکی متره ایلری چیقہ بیلیر آرقدا .
شلرندن هیچ بری قوشمق حقنه مالک دکلدر .
قلعه جی یالکنز باشنه قلعه بی مدافعه به غیرت ایدر .
طوب ایکی شاقولی صیریغک وسطی ایلریسنه جزا
خطی اوزرینه یره وضع ایدیلیر .

جزایی تطبیق ایدن طرفه منسوب او یونجیلر
طوبک تقریباً آلتی متره آچیغنده دورلر وطوبه
اوروشی اجرا ایده جک اولان کنج او یونه باشلا-
معدن قطعياً برائر حرکت کوستره مزلر .

ماده ۸ — او یون باشلار کن طوب مستطیلک
اورته سننده کی دائره تک مرکزینه وضع ایدیلیر .
او یونجیلر ترتیبات مخصوصه لرینی آلیرلر . حکم
دودوکنی اوندیرر . او یونه باشلامق حقی حائر اولان
طرف او یونجیلرندن، فوروورد خطنده بولنانلردن
بری طوبه برتکمه آتهرق خصم طرفه سوق ایدر .
بو تکمه بعضاً شدید ، بعضاً یاواش اولدینی کی
آرقدا شلرندن بریسنه طوبی تودیع ایچین (پاس)
تعبیر ایدیلن صورتلده آتیلایلیر . او یون بو
صورتله باشلار وهر او یونجی کندی مهارتی ،

قوتی حسن استعمال ایدهرک و کندی کندی اداره
ایدهرک غایه به واصل اوله بیلیمک ایچین اوغراشیر .
ماده ۹ — شاید طوب مستطیلک ضلع کبیرلرندن
بریسندن طیشاری چیقارسه او خطده محافظلق
وظیفه سیله مکلف اولان کنج باغیرر ویا اننده کی
کوچوک بایراخی صالار ویا خود حکم دودوکنی
اوندیرر . طوبی خارجه چیقارانلره مخالف اولان
طرفدن بری طوبک چیقدینی محله کلیر طوبی انه
آلیر وباشندن یوقاری قالدیروب صالامادن کندی
آرقدا شلرندن برینه آتار . بونده قاعده آیاقلرینی
بردن قالدیر مامقدر و طوبی یوورلامامقدر .

قلعه محافظندن ماعدا هیچ بر او یونجی طوبه
النی سوره مز . حکم کورنجه همان او یونی طور دورر
ودوقونانلره مخالف اولان طرفدن بریسنه بردفعه
طوبه ایستدیی کی اورمق حقی ویرر .

تنییه — فوت بولده او یونجیلرک وظائفی تعین
ایتمش اولدیفندن هیچ بروقت بهک خطنده بولنان
بر او یونجینک فورووردلرک وظیفه سنه مداخله سی
تجویز ایدیلر . حتی بعضاً وظیفه سننده براز نقصانی
اولان بر فورووردک ایشنی کورمک اوزره برینی
ترک ایدوب کیدن بر بهک موفق دخی اولسه ارباب

اختصاص نظرندہ پک خوش کورونمز. بناء علیہ شرائط اساسیہ دن بری ده هر کس کندی وظیفه سنی بیلوب کیمسه نك حقوقه تجاوز ایتمه مکدر. یاردیم باشقا وظیفه و حقوقه مداخله باشقادر ،

بالالتزام مدافعلردن بری تعرض ایتمکده اولانلرک موفق اولاجقلربنه عقلی کسنجه طوبی کندی غول خطندن طیشاری سوق ایدرسه او وقت حکم مهاجرلردن برینه غول خطی اوزرنده وشا. قولی صیریقلردن طوبک طیشاری چیقدیغی جهتمده (الک یقین برمترودن) اوروش حقی ویرر .

طرف مخالف طوبدن آلی متره اوزاقده طورور وطوبه اوروله دن یرلرندن قیملد امازلر.

ماده ۱۱ — بر خطابی متعاقب سربست اوروش: خطانک وقوعه کلدیکی نقطه یه طوب وضع ایدیلیر و حقلی اولان طرفک اویونچیلرندن بری طوبه اورور. طرف مخالف آلی مترو اوزاقده طورور. شاید غول خطی اوزرنده بولنیورایسه لر وکری کیده جک یر یوقسه اوزمان بولندقلری برده قالیرلر .

ماده ۱۲ — ره فهری ایجابی تقدیرده بعض

بیاناتده بولنق اوزره اویونی بر آن ایچین تعطیل ایدر. تکرار دوامنی تأمین ایچین طوبی الیه هوایه آتار وطوب یره دوشمه دکه هیچ بر اویونچی دو قوناماز .

ماده ۱۳ — بر پارتی ختامنده اویونی غائب ایدن طرف ینه اویونک مبدأنده اولدیغی کبی مر کزدن اویونه باشلار .

ماده ۱۴ — قلعه محافظی بر جوق امتیازاته مالکدر. قلعه دن طوبی ایچری صوقتامق ایچین وجودینسک هر یرینی قوللانیر ، صیچرار ، قلعه دن ایکی آدیم ایلری قوشار . الیه آتوب آیاغیله اورور و مخالفلرک تعرضندن قلعه سنی قور تارمغه چالیشیر. مسابقه لرده قلعه محافظلری اکثریا اوزون بویلیلردن وغایت ماهر اولانلردن انتخاب ایدیلیر .

ماده ۱۵ — به نالئی یی یابه جق اولان ایله مقابل جهتک غول خطی آراسنده خصم طر- فندن اوج کشی بولنماد قجه طوبی سوق ایتمکده یلته نه نك جزاسی اویوندن خارج اولمقدر . یعنی اوزمان بویله بر جزایه محکوم اولان کیمسه

طرف مخالفدن طوبه اورولدقندن سوکرا اوپونه تکرار کیرر . ره فهری طرفندن جزاسی تبایح اولدینی آنده ایسه نه اوینایه بیلیر نه ده خصمک اوپونته مانع اوله بیلیر .

ماده ۱۶ — سربست اوروش (فری کیک) جزاسی ایجاب ایتدیرن احوال :

- ا — طوبه اوپونجیلردن بریسی طرفندن آیاقله بر اوروش یا بیلمسی قرار کیر اولدینی زمان طوبه اورولمادن اول حرکت ایدیلرسه
- ب — تاچ خطندن ویا آلتی متره خطندن طوبی آنان بر اوپونجی باشقه بر رفیقی اوینامه دن قوشوب ینه کندیمی طوبه اوررسه
- ج — قلعه محافظلردن باشقه هر کیم که طوبه آیلله ویا قولیله بالالتزام دو قونیرسه
- د — قلعه محافظی آنده لموب اولدینی حالدله قلعه دن ایکی خطوه دن ایلری یوررسه
- ه — تکمه، چلمه آهرق طرف مخالفدن بری یره دوشیریلیرسه ویا اللره بر طرفندن طوبیلیرسه
- و — مخالفلردن بری آرقه سندن آیلیرسه [۱]

[۱] یوزنی کندمی قلعه سنه توجیه ایلله آرقه دن ایلروله ینلرک یولنی کسمک ایستیلری ایتوب کچمه مساعده واردر .

ماده ۱۷ — اونجیلر ره فهری دودوکی چالنجه درحال اولدقلمی برده قالیرلر .
ماده ۱۸ — حکمک (ره فهری) وظیفه سی اوپونی سوق و اداره ایتمکدر . اونک ویره جکی قرارلر قطعیدر . اوکال بی طرفی ایلله اوپونی تعقیب ایدر . وخطا وقوعنده درحال دودوکی چالارک اوپونی طور دیرر .

فوت بولده مستعمل تعبیرات مخصوصه

فوت بولک شکل حاضرینی احیا ایدن انکلیزلر اولدیغندن بالطبع اوپونه عائد اصطلاحاتی اونلر وضع ایتشلردر .

بو تعبیرات دنیانک هر طرفنه انتشار ایتمش وهر ملت او کله لری لساننه ادخال ایدوب بنمسه . مشدر . مثلاً فوت بول آیاق طوبی دیمکدر . فقط بونی نه فرانسزلر نه ده ساثر ملتلر ترجمه ایدوب مقابلی قوللا . نه بی خاطر لر ینه بیله کتیرمه مشلردر . مع مافیله بزینه بر دفعه تعبیرات مذکور ه نك لسانم زده مقابله لری نشر ایتمه بی فائده دن خالی بولموروز .

حکم	—	ره فوری	طرف
قلعه خطی	—	غوللایین	تکرار
مستطیلک ضلع کبیری	—	تاچلایین	اولندی
قلعه	—	غول	اویوننه
قلعه محافظی	—	غولکبیر	
اون بر اویونجی طاقی	—	تیم	جزاسن
برنجی صره اویونجیلری مدافع	—	بهک	
معاونر	—	هاف	آیاقله
مهاجر	—	فورورد	طوبه
آیاقله	—	پاس	
مهاجر	—	دریلین	طوبی آ
مهاجر	—	به نالی کیک	قوشوب
مهاجر	—	فری کیک	
مهاجر	—	توت	آیله ویا
مهاجر	—	قورنه کیک	قلعه دن
مهاجر	—	غول کیک	
مهاجر	—	هندبول	بری بره
مهاجر	—	فاول	
مهاجر	—	اوف ساید	

فیثانی ۱ غروشددر

سلیم سری بکک نشریاتی

بزجه مجهول حیاتلر

اسوچیلیرک حیات فکریه واحوال اجتماعیه لرند
بخت ایدر مصور برآزدر. فیثانی اون غروشددر

اسوچ اصولی تربیه بدنیه ومکتب او یونلری

عموم مکاتب ملکیه ده تطبیق اولنمقده در.
فیثانی بش غروشددر

آلمان ژیمناستکری فیثانی بر غروشددر

مصور صحیحی چو جوق ژیمناستکری ^{فیثانی او} غروشددر

اردوده ومکتبلر ده فوت بول فیثانی بر غروشددر

مجارستانده تربیه اطفال

مجار مکاتب ابتدایی و دارالمعلمیندن مج
برکتا بدر. فیثانی آلمش یاره در.

طوغری سوزلر فیثانی اوچ

سپور برنجی کتاب فیثانی بش

عسکرک طنارجنی فیثانی بر غروشددر

334

